

ხელშეკრულება
სახელმწიფო შესყიდვების შესახებ №83
წინამდებარე ხელშეკრულება დადებულია 22 აპრილს 2019 წელს.

1. ხელშეკრულებაში გამოყენებულ ტერმინთა განმარტებანი

1.1. „ხელშეკრულება სახელმწიფო შესყიდვების შესახებ“ (შემდგომ–„ხელშეკრულება“)– „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველი ორგანიზაციისა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დაკუმენტირებული და დამატებითი და ასევე მთელი დოკუმენტაციით, რომლებზეც ხელშეკრულებაში არის მინიშნებული;

1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;

1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1. წინამდებარე ხელშეკრულება დადებულია ერთი მხრივ აფხაზეთის მთავრობის საქვეუწყებო დაწესებულება–ადმინისტრაციულ-სამეურნეო სამმართველოსა (საიდ. კოდი 249251287 ქ. თბილისი ალ. ყაზბეგის გამზ. №42) (შემდგომში „შემსყიდველი“) წარმოდგენილი მისი უფროსის გოგი მანიას სახით და მეორეს მხრივ ს.ს. „ჰიუნდაი ავტო საქართველოს“ (საიდ/კოდი 204478948, ქ. თბილისი დ. აღმაშენებლის ხეივანი მე-12კმ.) (შემდგომში „მიმწოდებელი“), წარმოდგენილის სერვისის დირექტორის ალექსანდრე ხვედელიძის სახით, შორის. (საფუძველი: „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტი და საქართველოს მთავრობის დადგენილება №26 21.01.2011 წელი);

3. ხელშეკრულების საგანი

3.1. ხელშეკრულების საგანს წარმოადგენს, (გამარტივებული შესყიდვის საშუალებით), 1 (ერთი) ერთეული ავტომანქანის (HYUNDAI Sonata AF-871-FA) - დანართ №1-ში მითითებული ტექნიკური მომსახურების შესყიდვა, (CPV09210000; CPV 34300000; CPV 50100000);

4. ხელშეკრულების ღირებულება

4.1. ხელშეკრულების საერთო ღირებულება შეადგენს 220 (ორას ოცი) ლარს, საქართველოს კანონმდებლობით დადგენილი შესაბამისი გადასახადების გათვალისწინებით;

4.2. შესყიდვის ობიექტის საცალო ფასი განისაზღვრება ხელშეკრულება დანართ №1-ის შესაბამისად.

5. მომსახურების მიღება-ჩაბარების წესი, ვადები და ადგილი

5.1. შესყიდვის ობიექტი ჩაითვლება მიღებულად, მხოლოდ მომსახურებაზე სპეციალური დეფექტური და შესრულების აქტის შედგენისა და ორივე მხარის წარმომადგენლის ხელმოწერებით გაფორმების შემდეგ;

5.2. ხელშეკრულებით გათვალისწინებული მომსახურების გაწევა უნდა განხორციელდეს ხელშეკრულების დადებიდან 5 (ხუთი) დღის განმავლობაში.

5.3. მომსახურების გაწევის ადგილია ქ. თბილისი.

6. მხარეთა უფლება მოვალეობები

6.1. „მიმწოდებელი“ და „შემსყიდველი“ ვალდებულია სრულად და ზედმიწევნით შეასრულონ ხელშეკრულებით ნაკისრი ვალდებულებები;

6.2. „მიმწოდებელი“ ვალდებულია ხარისხიანად და ჯეროვნად უზრუნველყოს ტექნიკური მომსახურების გაწევა;

6.3. „მიმწოდებელი“ ვალდებულია წარუდგინოს „შემსყიდველს“ შესრულებულ სამუშაოზე შესაბამისი დოკუმენტური და მიღება-ჩაბარების აქტი;

6.4. „შემსყიდველი“ ვალდებულია ხელშეკრულებით გათვალისწინებულ ვადაში უზრუნველყოს შესრულებული სამუშაოს ღირებულების ანაზღაურება.

7. შესრულებული სამუშაოს ხარისხი და გარანტია

7.1. „მიმწოდებელი“ იძლევა გარანტიას, რომ გაწეული მომსახურება არის მახალხარისხიანი და შეესაბამება არსებულ სტანდარტებს;

7.2. „მიმწოდებელი“ ვალდებულია შეტყობინების მიღებისთანავე განახორციელოს მომსახურების უხარისხობის შემთხვევაში, მისი ხელახალი შესრულება შემსყიდველის მიერ რაიმე დამატებითი დანახარჯის გაწევის გარეშე.

8. ანგარიშსწორების პირობები და ვადები

8.1. ანგარიშსწორება „მიმწოდებელთან“ განხორციელდება უნაღდო ანგარიშსწორების წესით ლარებში;

8.2. ანგარიშსწორება „მიმწოდებელთან“ განხორციელდება მომსახურების მიღება-ჩაბარების აქტისა და ანგარიშ-ფაქტურის წარმოდგენიდან 7 (შვიდი) სამუშაო დღის განმავლობაში.

9. ფასები

9.1. წინამდებარე ხელშეკრულების ფასი წარმოადგენს ხელშეკრულების ღირებულებით პარამეტრს;

9.2. ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია განსაზღვრული ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას „შემსყიდველი“ ორგანიზაციისათვის.

9.3. ხელშეკრულებაში დაფიქსირებული ღირებულების გაზრდის შემთხვევაში მისმა საერთო ოდენობამ არ უნდა გადააჭარბოს ხელშეკრულების ღირებულების 50 (ორმოცდაათი)%-ს.

10. ხელშეკრულებაში ცვლილებების შეტანა

10.1. ხელშეკრულების დამდებ არც ერთ მხარეს არ აქვს უფლება შეცვალოს ხელშეკრულების პირობები მეორე მხარის წერილობითი თანხმობის გარეშე;

10.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების შეცვლის აუცილებლობა;

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად, ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

12. სუბ-კონტრაქტორი

12.1. იმ შემთხვევაში, თუ სუბ-კონტრაქტორის დადების, ან სუბ-კონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, „მიმწოდებელმა“ წერილობით უნდა აცნობოს „შემსყიდველს“ ზემოთაღნიშნულის შესახებ და მიიღოს მისგან წერილობითი თანხმობა;

12.3. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარუდგინოს „შემსყიდველს“ მისი გაფორმებიდან ერთი კვირის განმავლობაში;

12.4. ამ ხელშეკრულების ფარგლებში დადებული არც ერთი სუბ-კონტრაქტორი არ ათავისუფლებს „მიმწოდებელს“ ხელშეკრულებით ნაკისრი ვალდებულებებისაგან.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება „ფორს-მაჟორული“ გარემოებების გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და „მიმწოდებლისათვის“ ხელშეკრულების შესრულების გარანტიის დაუბრუნებლობას;

13.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაუღალავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიზნებების მკვეთრი შემცირებით და სხვა;

13.3. „ფორს-მაჟორული“ გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შესედულებისამებრ, მიზანშეწონილობისამებრ და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან „ფორს-მაჟორული“ გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულების შედეგად მიყენებული ზარალისთვის, მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

14.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0.02% პროცენტის ოდენობით ყოველი გადაცილებული დღისათვის;

14.3 მიმწოდებლის მიერ ხელშეკრულებით ნაკისრი ვალდებულებების განმეორებით შეუსრულებლობის და/ან პირგასამტეხლოს დადგენილ ვადაში გადაუხდელობის შემთხვევაში, ან თუ პირგასამტეხლოს თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება;

14.4 მიწოდებელი ვალდებულია დაფაროს ხელშეკრულებით დადგენილი პირგასამტეხლო შემსყიდველის წერილობითი მოთხოვნიდან არაუგვიანეს 10 (ათი) დღის ვადაში;

14.5 საჯარო საწესდების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15. ხელშეკრულების შეწყვეტა

15.1. ხელშეკრულების დამდები ერთერთი მხარის მიერ პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ;

15.2. ხელშეკრულების დამდები მხარე, რომელიც მიიღებს გადაწყვეტილებას ვალდებულია შეატყობინოს მეორე მხარეს მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 1 (ერთი) დღით ადრე;

15.3. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან;

15.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში;

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასხედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

16.2. თუ შემსყიდველი და მიმწოდებელი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადაგენილი წესით მიმართოს საქართველოს სასამართლოს.

17. ინტერესთა კონფლიქტი

17.1 "სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერი და კონტროლის განმახორციელებელი პირები სრულიად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

18. ხელშეკრულების მოქმედების ვადა

18.1. ხელშეკრულება ძალაშია მისი ხელის მოწერიდან 2019 წლის 30 მაისამდე.

19. ხელშეკრულების ინსპექტირების პირობები

19.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

19.2. ხელშეკრულების ინსპექტირებას შემსყიდველის მხრიდან განახორციელებს, აფხაზეთის მთავრობის საქვეუწყებო დაწესებულება – ადმინისტრაციულ - სამეურნეო სამმართველოს მიერ გამოყოფილი კოორდინატორი – ლევან ფარულავა;

20. სხვა პირობები

20.1. ხელშეკრულება და მასთან დაკავშირებული ყველა წერილობითი მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე;

20.2. ხელშეკრულება შედგენილია ელექტრონულად და დამოწმებულია კვალიფიციური ელექტრონული ხელმოწერით და/ან შტამპით როგორც "შემსყიდველის" ასევე "მიმწოდებლის" მხრიდან.

21. მხარეთა რეკვიზიტები

„შემსყიდველი“

აფხაზეთის ავტონომიური რესპუბლიკის მთავრობის საქვეუწყებო დაწესებულება – ადმინისტრაციულ-სამეურნეო სამმართველო

მისამართი: ქ. თბილისი ალ. ყაზბეგის ქ. №42 ტელ: 37 61 88, 37 51 99

საბანკო რეკვიზიტები: სახელმწიფო ხაზინა; ხაზინის ერთიანი ანგარიში;

TRESGE22

საიდენტ. კოდი 249251287

აფხაზეთის ავტონომიური რესპუბლიკის მთავრობის საქვეუწყებო დაწესებულება – ადმინისტრაციულ -სამეურნეო სამმართველოს უფროსი

გოგი მანია

ბ.ა.

„მიმწოდებელი“

ს.ს. „ჰიუნდაი ავტო საქართველო“

მისამართი: ქ. თბილისი დ. აღმაშენებლის მე-12 კმ.

საბანკო რეკვიზიტები: ს.ს. „თიბისი ბანკის“ მარჯანიშვილის ფილიალი ბანკის კოდი – TBCBGE22 ანგ. № GE 15 TB 11 0000 01 10 4676 97.

საიდ. კოდი – 204478948

ს.ს. „ჰიუნდაი ავტო საქართველოს " სერვისის დირექტორი

ალექსანდრე ხვედელიძე

ბ.ა.

